

卷之六

明倫彙編 家範典 卷之六

忠孝節義 忠孝節義 忠孝節義 忠孝節義

忠孝節義 忠孝節義 忠孝節義 忠孝節義

忠孝節義 忠孝節義 忠孝節義 忠孝節義

忠孝節義 忠孝節義 忠孝節義 忠孝節義

忠孝節義 忠孝節義 忠孝節義 忠孝節義

忠孝節義 忠孝節義 忠孝節義 忠孝節義

忠孝節義 忠孝節義 忠孝節義 忠孝節義

忠孝節義 忠孝節義 忠孝節義 忠孝節義

忠孝節義 忠孝節義 忠孝節義 忠孝節義

忠孝節義 忠孝節義 忠孝節義 忠孝節義

弘治錄卷六

明刑部員外郎仁和邵經邦弘齋學

皇清翰林院侍講學士四世孫遠平校閱

雜行 唐十二之九 藩鎮成德橫海武寧宣武淮西

張孝忠 子茂昭茂宗陳楚附 程日華 子懷直 李全略 子同捷

王智興 子晏平晏宰 劉玄佐 子士寧李萬榮 陸長源 劉全諒 父立臣

韓弘 子公武弟充李質 李忠臣 吳少誠 少陽子元濟楊元卿李祐董重質附

牛元翼 傅良弼李寰 康日知 子志睦孫承訓 令狐彰 子建運通

張孝忠始名阿勞本奚種類會祖靖祖遜代為乙失活部落酋

帥父謚開元中歸國授鴻臚卿孝忠形體魁偉長六尺餘性寬

裕事親恭孝以勇聞於燕趙與王武俊齊名天寶末為內供奉

安祿山奏任偏將破九姓突厥先登陷陣以功歷折衝果毅從

陷河洛相繼爲安史前鋒事敗歸朝李寶臣奏授左領軍郎將
其驍雄性復謹厚甚委信之婚以妻妹谷氏令悉統易州諸
鎮兵馬十餘年甚著威惠加左金吾衛將軍試殿中監賜今名
俄歷飛狐高陽二軍使川承嗣寇冀州以精騎四千出上谷屯
貝州軍容整肅承嗣嘆服以爲未易圖卽引去瓦橋之戰奏爲
易州刺史分兵七千使扞朱滔擢太子賓客兼御史中丞封范
陽郡王寶臣病使弟孝節召之將任以後事懼而不往惟岳阻
兵滔往討慮孝忠兵撓其後使判官蔡雄說曰惟岳孺子公乃
宿將安可不自求福今川悅已破梁崇義屍出井中受誅者五
千卽河南軍計日北首趙魏滅亡可以立見公誠去逆効順建
不世之功豈不美哉孝忠然之遣將程華報謝上表于朝令參
軍董稹以易州自歸德宗嘉之使代惟岳授檢校工部尚書恆

州刺史兼御史大夫充成德軍節度使賜實封二百戶甚以滔
爲德會家人在恆者爲惟岳所害乃爲子茂和聘滔女契約甚
密奉詔合兵討賊破之東鹿惟岳遁還滔請乘勝攻襲孝忠不
聽將佐勸之論曰本求破賊今已被矣恆州宿將尚多迫之則
死鬪緩之必改圖且滔言大識淺可與慮始難與守成吾壁義
豐正以坐待惟岳之亡耳旣而滔亦不進月餘武俊果斬惟岳
首以獻如孝忠所料乃分惟岳地爲四各置觀察使以易州界
孝忠後又降定州刺史楊正義併有易定之地建定州爲義武
軍以充節度使兼易定滄觀察團練等使檢校兵部尚書滔與
武俊謀叛啗以金帛拒而不受雄復來說辭曰孝忠性直業已
効忠不復助逆往與武俊少長相狎深知其心翻覆不可盡信
司徒幸記鄙言後始相憶易定居二兇間四面受敵乃修峻溝

畢整飭器械。感勵將士。乘城固守。甚有可稱。加檢校左僕射。增實封百戶。後爲朱滔侵逼。詔李晟竇文場往援。與晟戮力整訓。士衆竟以保全。賊不敢入。因以女妻晟子。憑及上幸奉天。令大將楊榮國提銳卒六百從晟入關。赴難收京城。有功。進同中書門下平章事。河北屢遭蝗旱。與其下皆甘粗糲。人服其儉約。推爲時之賢將。貞元三年。加檢校司空。子茂宗。遷尚義章公主妻。鄧國夫人。昧谷氏入朝。親迎。賞賚隆厚。五年。有司劾以擅典兵入蔚州。降爲桂管觀察使。削司空。踰年復之。卒年六十二。廢朝三日。追封上谷郡王。卹贈太傅。魏州大都督。再贈太師。諡曰貞武三子。茂昭。本名昇雲。字豐明。幼有志氣。好儒書。以蔭累官至檢校工部尚書。父卒。命邕王諒遙領義成節度。起復昇雲爲魏州刺史。左金吾衛大將軍。充節度觀察。留後。賜今名。後

授節度使封延德郡王累遷檢校僕射司空久之入朝奏河北
邊事情忠詞切德宗聳聽恨相見之晚錫宴麟德殿賜良馬甲
第器用珍幣甚厚遷男克禮尚晉康郡主方欲委以邊任會崩
入臨聲哀氣咽人與人異順宗加中書門下平章事遣還鎮賜
二女樂及安仁里第皆固讓不受元和二年又請入覲留數月
加太子太保復還鎮王承宗叛授恆州北面招討使親擐甲胄
爲諸軍前鋒遣諸子分道並進渡木刀溝與賊接戰累獻戎捷
會赦班師加檢校太尉兼太子太傅表請舉族歸朝上命左庶
子任簡迪爲行軍司馬乘驛赴之卽以兩郡簿書管鑰符印付
簡迪遣妻李氏并男先就路曰使吾後世子孫不染汙風吾無
恨矣行及晉州拜兼中書令改河中晉絳磁隰等州節度觀察
使入京召對延英五刻乃罷表許遷祖考遺墓于京兆遂卒年

五十廢朝五日開贈太師諡獻武 茂宗以蔭擢累光祿少卿

并遣表請起復尚主德宗授左衛將軍加封主鄭國公主元

和中歷閑廐使與吐突承堆善恃恩奏收吐蕃所陷隴右廢七

馬坊地祖先已給還貧民併取麟游岐陽牧地三百餘頃民訴

諸朝詔侍御史范傳式按實長慶初盡以還民寶曆初遷兗海

節度使檢校兵部尚書入爲左金吾衛大將軍終左龍武統軍

公主薨諡莊穆 茂和自負有膽氣材畧歷左武衛將軍裴度

奏從伐蔡不行被斥後終諸衛將軍 陳楚者茂昭甥字材卿

定州人大有武幹事茂昭歷牙將常從征伐入朝擢諸衛大將

軍封晉寧郡王元和末義武節度渾鎬喪定州軍亂拜爲節度

馳傳赴鎮軍中謀欲拒之故不來迎旣已及郊左右勸無入楚

以爲王墮其計冒雪行四十里夜入其州軍校部伍皆楚舊

之惶駭不敢動衆心始定又徙河陽三城入爲左羽林統軍檢校司空卒年六十一贈司空子君奕亦至鳳翔節度使

程日華定州安喜人初名華父元皓有勇力爲祿山將從陷兩京思明時爲定州刺史華少蒞本軍爲張孝忠牙將李惟岳先任姻黨李固烈爲滄州刺史被誅後詔移州以隸義武孝忠令與交檢庫藏固烈悉取而還軍人怒殺固烈屠其家相與詣華請權領州事孝忠因授華滄州刺史未幾朱滔武俊僭國華與孝忠隔越欲乘勢取滄州遣人遊說不納加兵攻圍華乘城自固久之參軍李宇謀曰城久受圍張尚書不能相援此軍本號橫海領十縣瀕海有漁鹽利足以自給莫若絕易定自歸京師建爲一軍勒甲訓兵有利則出無利則守可亢盜之喉襟華以爲然卽遣宇入奏備陳州當二盜之間華疲於矢石德宗嘉之

建中三年拜華御史中丞復置橫海軍卽以爲使宇爲判官尋
加檢校工部尚書御史大夫賜名曰華令歲饋義武軍稅錢十
二萬貫糧數萬自是別爲一鎮孝忠惟有易定二州而已武俊
遣人說華歸已給曰敝邑爲賊攻力屈則下之願借騎二百以
抗賊俟道路通卽從命武俊喜如數假之華欲屈其力使歸朝
留之及武俊歸國河朔無事卽遣所留馬還武俊別陳珍幣謝
過武俊歡然而釋卒贈兵部尚書子懷直自知留後朝廷嘉
父之忠起復檢校工部尚書兼御史大夫升橫海軍爲節度授
以節鉞宇復請於弓高縣置景州管東光景城二縣爲屬請朝
廷授官帝喜曰三十年不聞有此事命以員外郎徐仲爲景州
刺史懷直來朝寵遇加等進檢校右僕射節度觀察等使還日
衆怒其荒於政獵不恤軍政其從昆懷信爲牙將閉門不納

奔還朝德宗優容之擢爲右龍武統軍賜安業里第命虔王遙
領節度大使擢懷信留後明年授節度使久之懷信死懷直子
執恭復知留後事迎懷直歸卒年四十九廢朝一日贈揚州大
都督執恭進檢校兵部尚書封邢國公元和六年入朝憲宗
禮遇遣還加左僕射奏改名權淮西平心不自安表辭戎帥代
以華州刺史鄭權遷爲檢校司空邠州刺史邠寧節度使卒贈
司徒兄弟子姪在朝列宿衛者三十餘人

李全畧本姓王名日簡事王武俊爲偏將遇承宗虐用其軍歸
朝授代州刺史穆宗以田弘正遇害名故鎮州將問所欲言全
畧多陳利害冀合帝意且請盡死力以報遂授德州刺史經略
其事會杜叔良敗擢爲橫海軍節度滄德棣等州觀察使賜今
姓名以崇樹之未幾遣子同捷入朝貢錢千萬旣還奏爲滄州

長史兼押中軍兵馬外示忠順內蓄姦謀陰結軍士潛圖承襲
志棣州刺史王稷善撫衆家富于財以計殺之族其家未幾全
恭死同捷自爲副大使領留後事重賂鄰藩求領節鉞敬宗持
久不下俄而文宗立度新嗣位大示恩賚卽遣弟同志同與
掌書記崔長奉表請命詔拜兗海節度使以烏重胤代之同捷
計窮矯言軍中留已不肯受代德棣民多奔入郾刺史樂濛密
上變事遣人殺之乃下詔削同捷官爵贈濛工部尚書命重胤
率郾齊兵進討及憲誠李聽康志睦張璠李載義咸出兵傅境
同捷自以與成德有舊傾其玉帛子女以市河北三鎮載義不
從執使者并所賂表獻諸朝王廷湊本闖橫海欲乘其隙取之
引軍來援時以絕廷湊朝貢且兵須夥繁調發不時始置供軍
使以濟兩河諸將更以左金吾大將軍李師代之王愬與

以輕兵絕河夜殘無棣降饒安壁兵五千明年祐拔
平原遂薄德州帝遣柏耆宣慰祐拔德州餘卒奔廷涇同
益急乞降祐疑其詐引兵入滄州耆已取同捷及家屬馳而
西行至將陵斬同捷傳首京師詔貸四州租賦流崔長商州其
母妻與子及異母弟同翼等皆貸死徙湖南

王智興字匡諫懷州溫縣人曾祖靖左武衛將軍祖瓌右金吾
衛將軍父緒太子詹事智興少驍銳健行爲徐州衛卒事刺史
李洎因自拔歸李納怒來攻令奉表告急不五日達京師德宗
發朔方軍五千赴之納解去自是拔爲持將歷滕豐沛狄四鎮
凡二十餘年李師道謀沮蔡師數侵徐李愿委以部兵抗禦敗
鄆將王朝晏於沛又敗桃海兵於豐獲美妾三人卽斬以徇累
官至侍御史本軍都押衙及王師討師道同諸道進兵率所部

八千次於胡陵以騎畀其子爲先鋒而自領步兵繼之壞河橋
收黃隊遂攻金鄉拔魚臺俘斬萬計以功遷御史中丞賊平授
沂州刺史長慶初河朔用兵遷檢校左散騎常侍兼御史大夫
武寧軍節度副使河北行營都知兵馬使引兵三千渡河徐之
勁卒皆在部下節度使崔羣慮其難制密表請追赴闕授以他
官事未行會赦王廷湊命諸道班師智興先期入境羣頗憂疑
令府僚迎勞諭以十騎入城兵士甲仗悉輸於外智興不悅交
通父兄斬關竟入殺異已者十餘人詣郡謝迎羣治裝赴闕遣
兵士送其家屬至埧橋遂掠鹽鐵院緡幣及汴路進奉物商旅
貲貨率十取七八又逐濠州刺史侯弘度朝廷以方罷兵不加
窮討授以檢校工部尚書徐州刺史充武寧軍節度徐州濠觀
蔡等使自是務積財賄以賂權勢賈其聲譽用度不足哀稅泗

口以益之累加至檢校僕射司空太和初李同捷叛白備貲糧
五月出全軍三萬討之加檢校司徒同中書門下平章事兼滄
德行營招撫使進攻棣州火譙門引水灌城凡七月降其將張
叔連等十輩銳士三千遂拔棣州圍滄州賊始大懼諸將各務
盡力王師有功推智興居首加守太傅封鴈門郡王平後入朝
宴於麟德殿賚賜珍玩名馬進位侍中歷忠武河中宣武三軍
節度觀察等使卒年七十九贈太尉廢朝三日葬于洛陽榆林
之北原四鎮將校會葬者千人九子晏平幼從父征伐累功
至檢校右散騎常侍靈州大都督府長史朔方靈鹽節度使居
官貪黷父憂去鎮擅取征馬兵仗自衛爲憲司所紕滅死長流
康州告於河北三鎮表請昭雪改授撫州司馬卒晏宰後單
名宰少拳勇於昆弟間最稱偉器長隸神策軍甘露之變以功

兼御史大夫爲光州刺史有美政觀察使段文昌薦改鹽州持
法過嚴人不甚便累擢邠寧慶節度使回鶻平徙忠武軍討劉
稹詔以兵出魏博趨磁州時何弘敬陰懷首鼠聞宰相至大懼卽
引軍濟漳水宰相李德裕令兼統河陽行營竟取天井關離阻
賊黨因諸子晏實守磁爲顧望計不乘破竹之勢詔書切責宰
懼急攻陵川破石會關進攻澤州其將郭誼遂殺稹降宰相傳首
京師卽令鎮太原宣宗初入朝厚結權幸求宰相周墀効之乃
還軍吐蕃引黨頭回鶻寇河西詔統代北諸軍進擊以疾不任
事徙河陽罷爲少保分司進少傅卒 晏實幼機警智與自養
之故名與諸父齒稹平擢淄州刺史終天雄節度使晏皐仕至
左威衛將軍

王佐本名洽滑州匡城人少偶儻不事生業爲縣捕盜吏犯

法令咎辱幾死乃亡命從永平軍稍遷牙將乘李靈臈反窺時
無備襲取宋州詔卽以州隸李勉表治署宋州刺史建中初進
兼御史中丞充宋毫穎節度使援徐州李洧斬首萬餘級東南
漕賴以通加御史大夫進圍濮州降守將楊令暉分兵徇濮陽
降冀守將通濮陽津遷檢校兵部尚書兼曹濮觀察淄青充
鄆招討使充汴滑副都統賜實封戶四百李希烈反與李勉陳
少游哥舒曜聯兵屯淮汝數困賊帝在奉天垂意關東進檢校
左僕射同平章事從收汴都轉汴宋節度使陳州諸軍行營都
統賜今名以尊寵之李納遣使至汴必厚贈遺盛飾美女名樂
從之遊娛故多得其陰謀納最憚之入朝又拜涇原四鎮北庭
兵馬副元帥檢校司徒益封八百戶爲人性豪縱輕財貨好厚
賞汴用益困或傳相國寺佛軀流汗自往捨施將吏商賈聞之

爭往得金錢巨萬。因以贍軍。其母賢婦人也。月織絁一端。示不忘本。數教敕玄佐盡臣節。見縣令走廷中白事。據案當之。退而戒曰。汝思往日事否。玄佐聽之。每待下益加禮。然士卒素驕。多不能制。遂殺長帥。剽劫至玄佐。又寵任小吏張士南。及假子士朝。士幹輩貲皆巨萬。俄以士朝私其嬖妾。懼事覺。酖玄佐死。年五十八。贈太傅。諡曰壯武。士朝奔京師。士幹給爲人弔殺之。帝惡其專。亦賜死。軍中匿喪。俟代詔用。陝虢觀察使吳濬行至汜水。其子士寧并壻激怒三軍。陵晨甲而譟擁士寧衣以墨衰。尊爲留後。醢大將曹金岸。浚儀令李邁悉出貨財。勞吏士。監軍孟介以聞。帝召宰相議。竇參曰。汴人有所挾。若不許。將合李納。勢不可解。遂起復士寧。左金吾衛將軍嗣節度使其爲人殘忍。淫暴。嘗手殺人於杯案間。又彊烝父諸妾。逼吏民妻女。亂之。每